



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De libris actorum visitationum.

urn:nbn:de:hbz:466:1-11399

De emissionem professionis fidei faciat publicum instrumentum, atq; ideo faciat mentionem de rogatu, & testibus adhibitis: & hic liber sit loco Prothocolli, quod ad haec instrumenta tantum.

In eo describat summarie vt infra, nomen, cognomen, & patriam professoris, vel huiusmodi.

Diem professionis fidei emisit.

Nomen Vicarij, seu delegati, in cuius manibus emisit professionem.

Scientiam & artem quam docet.

Nomen monasterij, locive, in quo degit, & docet.

Testimonium, si quod admissum sit, de professione alibi facta, & in cuius manibus.

Mandatum sumendi informationem de fide & moribus.

Testimonia ab ipso de hoc exhibita.

Approbationem, & facultatem datam docendi.

Habeat praeterea filciam, in qua seruet supradictas scripturas.

De processibus, & visitationibus monialium.

Processus singuli, & acta Visitacionum Monialium, conscribantur separatim in Quinternetis, ad maiorem facilitatem deferendi ad singula monasteria cum opus est, vnum processum sine altero: & seruentur in filcijs, facto tam manuali, ac Indicibus, vt de alijs processibus dictum est.

De processibus Regularium virorum.

Idem seruetur in processibus Regularium virorum, quacumq; auctoritate eos confici contigerit, si degant in claustris, aut alijs sub obedientia superiorum Regularium.

De libro visitationum carcerum.

Habeat Cancellarius librum visitationis carcerum, hoc ipso nomine inscriptum; in quo describantur acta, & ordinationes omnium visitationum carcerum, quae fiunt singulis mensibus, sub hac forma.

Die, &c. fuit facta visitatio carcerum, in qua interfuerunt omnes infra scripti, videlicet.

Describantur hic singuli qui interfuerunt, tum nomen cuiusq; carcerati cum suo decreto facto in visitatione, hoc modo.

Paulus N. decretum est dimitti cum de iussione, &c.

Habeat hic liber Indicem alphabeticum ordine nominum carceratorum.

De libris actorum visitationum.

Libri actorum visitationum sunt distincti ab alijs actis, & processibus, sed in reliquis ordine supra disposito, etiam quod ad indices per singulos Notarios substitutos, qui eiusmodi acta describunt diem: ita tamen, vt acta visitationum ab initio ipso conscribantur in folijs, sed redigantur in librum auctoritate publica, confirmatum, omnino distincta per Plebes singulas, & portas in qualibet visitatione; sicut antequam se conferat visitator ad aliam Plebem, aut vicariatum Diocesis visitandum; aut in Civitate implicet se alijs pluribus visitationibus.

Attestationes vero & informationes testium, & examina reorum, in libris describantur: & si quando necesse sit ad Vicarios aliquem processum transmitti, antequam redeat visitator, aut visitationis Notarius substitutus Cancellarij, mittant, retento omnino penes se originali, donec ipse Mediolanum veniat.

In causis visitationum civilibus, satis sit habere duos libros: alterum manualement, in quo sententiae etiam describantur; alterum vero qui contineat informationes, & examina testium.

Idem fiat in causis criminalibus; hoc addito, vt in libro testium ponantur etiam constituta reorum.

Sit praeterea filcia, in quam haec redigantur.

Fundationes capellarum. Legata. scilicet, quae tunc traduntur; alioquin citanda sunt ex loco vbi seruantur.

Inuentaria Reliquiarum, & Indulgentiarum, & indumentorum sacrorum cuiusque

Gg 2 iusque

Filcia actorum.

iusque ecclesie, & altaris separatim, & reliqua suppellectilis Sacrilitie cuiusque generis; & omnia alia inuentaria, indices, & alia exhibita à Parochis in executione instructionis pro visitatione ante transmissa.

Citationes.

Præcepta.

Comparationes.

Relaxationes.

Sequestra, &

Relationes eorum.

Alia etiam eiusmodi.

Institutiones, & confirmationes locorum piorum.

Index diarius scripturatum recepturatum, vel datatum.

Regula eorundem.

Notarius substitutus visitationis, iuxta regulas præscriptas in causis civilibus & criminalibus, omnium scripturarum, vel publicæ auctoritate munitarum, vel aliarum quarumcunque, quæ ad illius manum devenient occasione visitationis, necnon & actorum ipsius visitationis, conficiet indicem die tim, servata ratione data Cancellario in eo genere.

Consignatio Cancell.

Eadem ratione notet etiam, si quas scripturas foris dari oportuerit, postquam ad illius manum pervenerint.

Cum primum redierit ex visitatione, infra tres dies consignet acta, tam prima illa in folijs conscripta, quam etiam post redacta in librum, cum suis indicibus, & alijs scripturis quibuscunque Cancellario per inuentarium.

De libro Indice multarum.

Cancellarius habeat librum indicem; in quo describantur summam omnes multæ, & condemnationes, ac poenitentia, quæ pecuniariae sint; vel rerum, quæ pecunia appellatione censeri possunt: etiam si ex causa Sancti Officij Inquisitionis sint, etiam per Vicarios foraneos, aut Visitatores, aut etiam per literas, aut alias etiam extrajudicialiter impositæ; cum nota cautionum, & terminorum datorum pro satisfactione illarum.

Quæ pertinent ad disciplinam morum clericalium.

It liber perpetuus vnus, & plures, quotquot necessarij erunt pro descriptione status personalis Clericorum singulorum huius Dicecesis: & eorum, qui Clericali militie proximè adscribendi sunt. In eo describatur singulorum status exactè, ad infra præscriptam formam.

De libro status personis clericis.

Formula describendi statum Clericorum, vel eorum qui clericali militie adscribendi sunt.

Primo ponat in capite pagine, si in Vrbe domicilium habeat, nomen suæ portæ, seu regionis Urbis, tñ Parochiæ: si in Dicecesi, Plebis & Parochiæ, & oppidi vel Vici, in quibus domicilium habeat.

Domicilium.

Idemq; seruetur, si alienigena sit.

Secundò ponatur dies, mensis, annus, quibus describitur status huiusmodi: idemq; fiat suo loco, quoties aliquid addetur in descriptione huiusmodi status.

Tempus descriptionis status.

Tertiò Nomen, & Cognomen, & locus originis, cum eisdem conditionibus, quibus dictum est in descriptione domicilij, & vitæ præteritæ, præsertim antequàm clericali militie adscriberetur; artisq; professio, si quam professus est.

Nomen cognomen & professio.

Quartò, Parentum Nomen & Cognomen, conditio generis, vitæ ratio, vel artis professio, nunc, & olim: fratrum quoque, & sororem numerus. Si cui præterea ex his alijsve agnatis necessaria utilisque sit illius opera, ad vitæ sustentationem, ad custodiam, tutelam, curationem, vel administrationem.

Parentes.

Quintò, Patrimonium proprium, an commune cum alijs, re ipsa, an spe successione legitime, eiusq; valor, & redditus annui, pro portione ad illam quoquo modo pertinentes.

Patrimonium Habitatio.

An xris alieni onera.

An litium civilium profanarum, vel criminalium, implicationes.

Sextò, Habitatio vbi; & si in vicinia suspecta sit; & an ædibus ecclesiasticis, vel secularibus; & an proprijs, vel alienis; & à quo tempore citrà habitat in illis.